

Pepa e Tufa Atu 1: Na Ositaulaga le Au Paia e Fausia le Malumalu

Na filifili le Au Paia i Navu e faia ni osigataulaga sili e faamae’a ai le fausiaina o le Malumalu o Navu.

Na toe manatua e Louisa Barnes Pratt o se tagata o le Ekalesia e faapea:



“O o matou lima ma loto na faafaigaluega ina ia faanatinati ai le faamae’aina o le Malumalu. O tamaitai sa latou malilie lava e totogi atu le limasefulu sene a le tagata e faatau ai fao ma tioata. I le faautaitaia poto o le tamaoiga na ou maua ai le aofaiga. Na amata na ou alu ma faamoemoega lelei i le ofisa o le Malumalu e tuuina atu la’u taulaga. A’o ‘ou alu atu, na faafuase’i ona o’o mai ia te a’u se faosoosoga. Sa ou faatali. Ua feliiua’i i lo’u mafaufau, faapefea le tele o mea ou te manaomia e faaoga e le aiga, ma o lena tupe o le a tuutiitia ai mea o loo ‘ou manaomia i le taimi lea. I se taimi vave lava na ou teena ai. Sa ‘ou faapea ifo, ‘afai na o se pa’u falaoa ou te maua i aso taitasi mo se vaiaso, o le a ‘ou totogi atu lena tupe i le fale e teu ai tupe.’

“Sa ‘ou alu i luma i ni la’a faanatinati, ma totogi atu le tupe ma ou fo’i mai ma se lagona lilo o le faamalieina. I le taeao na sosoo ai a o ‘ou nofo lata i lo’u faitotoa i lumā fale, sa savali ane se tuagane ma toggi mai se talā siliva i luga o la’u kapeta. . . . Sa ‘ou lagona le loto faafetai o’oo’o. Na ‘ou alu i le faleoloa ma faatau mea sa sili ona ‘ou manaomia” (Louisa Barnes Pratt, i le *The History of Louisa Barnes Pratt*, ed. S. George Ellsworth [1998], 72–73).

Na tusia e Elizabeth Kirby Heward o se tagata o le Ekalesia e faapea:

“Sa le mafai ona ‘ou mafaufau i se mea totino ia te a’u e ono oo mai ai le faanoanoa pe a aveese atu ma a’u, sei vagana ai le uati (a lo’u to’alua ua maliu). O lea, na ou tuuina atu ai e fesoasoani i le fausiaina o le Malumalu o Navu ma isi mea uma lava sa mafai ona ou tuuina atu ma ni nai talā mulimuli lava na ia te a’u i le lalolagi, lea na maua ai le aofai e toetiiti lava \$50” (Elizabeth Kirby Heward, in Carol Cornwall Madsen, *In Their Own Words: Women and the Story of Nauvoo* [1994], 180).

Sa tele lava ina popole ta’ita’i o le Ekalesia ma le komiti o le malumalu e faapea o le a faalavelavea le galuega o le malumalu ona o le lē lava o tupe. Mulimuli ane na faamanatu mai ai e Peresitene Polika laga (1801–77) le aafiaga lena e faataua ia Joseph Toronto, o se alii seila mai Italia o lē na papatiso i le 1843:



“E tele nauā galuega na matou faia i lena taimi i le malumalu, ma sa faigata ona maua falaoa mo le aufaigaluega e ai. Sa ou fai atu i le . . . komiti o ē na vaaia mea o le malumalu e tufa uma atu falaoa mata sa ia i latou ma o le a tuu atu ia i latou e le Atua ni isi faaopoopoga, ma sa latou faia, ma i se taimi puupuu na o’o mai ai Uso Toronto ma aumai ia te a’u le luaafe limaselau talā tino i auro. . . . Sa ou fai atu [i le Epikopo], ‘I le taimi lena, alu loa e faatau falaoa mata mo le aufaigaluega o loo i lena malumalu, ma ‘aia nei toe lē faatuatuaina le Alii, auā o le a tatou maua lava mea tatou te manaomia” (Brigham Young, i le Willford Woodruff, *Willford Woodruff’s Journal*, ed. Scott G. Kenney [1984], 5:19–20; sipelaga, mataitusi tetele, faailoga, ma kalama ua faalaugatasia).

- Aiseā e te manatu ai sa naunau nei tagata e ositaulaga le tele o mea mo le fausiaina o le Malumalu o Navu?
- O le a se mea e mafai ona tatou aoao e uiga i le ositaulaga mai nei tala?

